

Broj: 48/23
Sarajevo, 26.5.2023. godine

Na osnovu Statuta Udruženja filmskih radnika u FBiH i člana 1. o Opštim odredbama Udruženja filmskih radnika u FBiH, te člana 10. o Djelatnostima Udruženja, Upravni odbor UFRuFBiH 26.5.2023. godine donosi

PRAVILNIK O NAGRADI „AMIRA LEKIĆ“

Član 1.

Nagrada "Amira Lekić" se dodjeljuje isključivo mladoj filmskoj radnici, ženskoj osobi mlađe generacije do 35 godina starosti, koja tek započinje svoj profesionalni život u oblasti filmske i televizijske proizvodnje.

Preferira se nagrađivanje filmskih radnica iz oblasti filmske produkcije, ali se mogu podržati i druge profesije iz drugih oblasti filmske i televizijske proizvodnje izuzev glumaca, reditelja i scenarista.

Cilja nagrade je osnaživanje i profesionalno etabliranje mladih žena u filmskoj i televizijskoj produkciji.

Član 2.

Nagrada "Amira Lekić" se dodjeljuje jednom godišnje, uzimajući u obzir kalendarsku godinu i uspjeha tokom te kalendarske godine. Nagrada se dodjeljuje jednoj osobi godišnje, osobi koja je na početku karijere i pokazala se kao perspektivna u profesionalnom radu na produkcijama filmova i televizijskih serija.

Član 3.

Upravni odbor (prema članu 28. Statuta UFRuFBiH) imenuje mentora/ mentorku iz reda filmskih profesionalaca koji/ koja UO predlaže dobitnicu za tu godinu sa pismenim obrazloženjem u roku od 90 dana od imenovanja. Mentori ne moraju biti nužno i članovi UFRuFBiH.

Obrazloženje treba da sadrži razloge zbog kojih je predložena osoba nagrađuje, te jasan uvid u biografiju i profesionalni rad. Obrazloženje se dostavlja isključivo pismenim putem.

Dodatak obrazloženju je biografija kandidovane dobitnice.

Upravni odbor konačno usvaja prijedlog mentora/ mentorke.

Član 4.

Nagrada se sastoji od plakete, a dio nagrade može biti i novčani ukoliko postoje uslovi za to. Potencijalna visina novčane naknade se određuje na sastanku Upravnog odbora. Nagrađena profesionalka uz nagradu dobija mogućnost besplatne konsultacija o svom profesionalnom radu i karijeri sa mentorom/ mentorkom u formi tri sastanka u toku godinu dana.

Član 5.

Pravilnik stupa na snagu danom donošenja.

Predsjednica Elma Tataragić